



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

_____ 2024 թվականի №____-Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ 2002 ԹՎԱԿԱՆԻ ՆՈՅԵՄԲԵՐԻ 1-Ի №79Ա ՈՐՈՇՄԱՆ ՄԵՋ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 1-ին հոդվածի 2-րդ մասը, 33-րդ և 34-րդ հոդվածները՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության էներգետիկայի կարգավորող հանձնաժողովի 2002 թվականի նոյեմբերի 1-ի «Հայաստանի Հանրապետության էներգետիկայի կարգավորող հանձնաժողովի 2002 թվականի օգոստոսի 30-ի №56Ա որոշման մեջ փոփոխություն կատարելու և «Հայաստանի էլեկտրական ցանցեր» փակ բաժնետիրական ընկերության էլեկտրական էներգիայի (հզորության) բաշխման №0092 լիցենզիայի պայմանները հաստատելու մասին» №79Ա որոշման 2-րդ կետով հաստատված «Հայաստանի էլեկտրական ցանցեր» փակ բաժնետիրական ընկերության էլեկտրական էներգիայի (հզորության) բաշխման №0092 լիցենզիայի պայմանների №1 հավելվածում (այսուհետ՝ №1 հավելված) կատարել հետևյալ լրացումները.

1) №1 հավելվածի 4-րդ կետի 3-րդ ենթակետի «ա» պարբերությունում «բայց 6426-ի» և «80 տոկոսից ոչ ավելի չափով» բառերից հետո լրացնել «(ճշգրտված՝ սույն մեթոդիկայի 5.1-ին կետին համապատասխան հաշվարկված գործակցով)» բառերը.

2) №1 հավելվածի 5-րդ կետում «բայց 6146-ի» և «85 տոկոսից ոչ ավելի չափով» բառերից հետո լրացնել «(ճշգրտված՝ սույն մեթոդիկայի 5.2-րդ կետին համապատասխան հաշվարկված գործակցով)» բառերը.

3) №1 հավելվածը լրացնել հետևյալ բովանդակությամբ 5.1-ին և 5.2-րդ կետերով.

«5.1. Սույն մեթոդիկայի 4-րդ կետի 3-րդ ենթակետի «ա» պարբերությունում նշված աշխատողների թվաքանակի, ինչպես նաև նորոգման և նյութական ծախսերի առավելագույն մեծությունները ճշգրտվում են հետևյալ բանաձևով որոշվող գործակցով.

$$K_{\text{Սպ}2025} = \frac{U_{\text{Ք}2024}}{(U_{\text{Ք}2016} + \text{Ն}U_{2016} * 9)} * \alpha + (1 - \alpha), \text{ որտեղ՝}$$

- 1) **K_{Սպ2025-ը}** 2025 թվականի փետրվարի 1-ից սկսվող հաշվարկային տարվա համար էլեկտրական էներգիայի սպառողների թվաքանակի նախատեսվածի համեմատ ավել աճով կամ նվազմամբ պայմանավորված աշխատողների թվաքանակի, նորոգման և նյութական ծախսերի փոփոխությունը հաշվի առնող գործակիցն է,
- 2) **U_Ք2024-ը** 2024 թվականի դեկտեմբերի 1-ի դրությամբ Բաշխման ցանցին փաստացի միացած սպառողների թվաքանակն է,
- 3) **U_Ք2016-ը** 2016 թվականի սկզբին Բաշխման ցանցին փաստացի միացած սպառողների թվաքանակն է,
- 4) **ՆU_{2016-ը}** 2016 թվականի ընթացքում Բաշխման ցանցին փաստացի նոր միացած սպառողների թվաքանակն է,
- 5) **α-ն** աշխատողների թվաքանակի, նորոգման և նյութական ծախսերի՝ սպառողների թվաքանակից կախված փոփոխական մասը հաշվի առնող գործակիցն է, որը աշխատողների թվաքանակի դեպքում ընդունվում է 0.85, իսկ նորոգման և նյութական ծախսերի դեպքում՝ 1:

5.2. Սույն մեթոդիկայի 5-րդ կետում նշված աշխատողների թվաքանակի, ինչպես նաև նորոգման և նյութական ծախսերի առավելագույն մեծությունները ճշգրտվում են հետևյալ բանաձևով որոշվող գործակցով.

$$K_{\text{Սպ}2028} = \frac{U_{\text{Ք}2027}}{(U_{\text{Ք}2016} + \text{Ն}U_{2016} * 12)} * \alpha + (1 - \alpha), \text{ որտեղ՝}$$

- 1) **K_{Սպ2028-ը}** 2028 թվականի փետրվարի 1-ից սկսվող հաշվարկային տարիների համար էլեկտրական էներգիայի սպառողների թվաքանակի նախատեսվածի համեմատ ավել աճով կամ նվազմամբ պայմանավորված աշխատողների թվաքանակի, նորոգման և նյութական ծախսերի փոփոխությունը հաշվի առնող գործակիցն է,
- 2) **U_Ք2027-ը** 2027 թվականի դեկտեմբերի 1-ի դրությամբ Բաշխման ցանցին փաստացի միացած սպառողների թվաքանակն է:»:

2. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հայաստանի Հանրապետության վարչական դատարան կամ Հայաստանի Հանրապետության հանրային ծառայությունները կարգավորող հանձնաժողով, և բողոքարկումը չի կասեցնում որոշման գործողությունը կամ կատարումը:

3. Սույն որոշումն ուժի մեջ է մտնում «Հայաստանի էլեկտրական ցանցեր» փակ բաժնետիրական ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Մ. ՄԵՍՐՈՊՅԱՆ

ք. Երևան

_____ 2024թ.